



Chhiat rup theihna lakah fimkhur ang u.

Chanmari West, July 1:

Furpui kan lo thleng leh ta a, lei a hmin tawh avangin ruah baw hawk a rawn tlak leh hi chuan leimin leh lung lum theihna a awm kan nih avangin kan veng dinhmun han thlir hian kan fimkhur a ngai hle a ni. Kham pang a awm kan tam a, leimin theihna dinhmunah kan ding nasa a, chuvang chuan leimin theihna hmun hlauhawma awm tan chuan kan chhak lam eng nge a dinhmun tih hriat kan tum a tha hle mai.

Sawrkhar emaw tute emaw tih turah dah lova, kan awmna chhak lam leimin thei a ni em tih te, lung rawn lum mai thei a awm em tih kan han chiente pawh a finthlak viau mai thei a, lei a rawn min emaw lung a rawn lum emaw tawh hnuah hi chuan inven a har tawh thin a ni.

Tin, chutiang bawkin kan thlang lam dinhmun pawh kan zir chian a, kan tuichhe paih avang emaw tui kal dan tur kan ruahman that loh vang pawhin kan kawmthlang a min thei a, kan chenna a min chhe vek thei a, keimahni ngei hian kan chenna hi dinhmun chhiaah kan indah thei a, chutianga kan awm loh nan kan inven that angai a ni.

Kuminah pawh hian lung lum vangin harsatna tum hnih kan tawh tawh a, heng laka kan him theihna tur chuan kawmchhak lam kan lo enchian a, a theih phei chuan kan lo then fai a, harsa tham khawp a nih phei chuan sawrkhar pawh kan pun mai a tha ang. Chutiang chiah chuan chhiatna dang lirnghing te, in kang te pawh a lo thlen tawh hi chuan, a thawi dam dan ngaihtuah leh tho a ngaih thin avangin, inven dan hi kan theih ang angin kan lo inzir a ngai a ni. Mihringte hian chhiatna hi kan thunun theih phak bak a nih avangin, kan duh vang hi hauh lo hian a lo thleng palh thei a, tha taka lo inzir lawk hi himna tura pawimawh tak chu a ni awm e.

Local Council

Ni 16.6.2012 (Inrinni) Chanmari West Local Council committee meeting chuan Disaster management committee a din a, heng a hnuai a mite hi mawhphur tu turte an ni.

- Chairman :F. Zosanga (Chairman, Local Council)
- Vice Chairman :T. Ngurkhuma (President, Chanmari West Branch YMA)
- Secretary :RL. Thanhnuna (Secretary, Chanmari West Branch YMA)
- Member-te : 1. Lalbiakthanga Khiangte (Prominent Citizent)
- 2. HVL. Zarzoenga (Prominent Citizent) 3. T. Bualzika (Prominent Citizent)
- 4. Lalbiakngheti (President, MHIP) 5. R. Lalmachhuana (Vice President)
- 6. Zairemmawia (Asst. Secretary Chanmari West Branch YMA)
- 7. C. Lalarliana (Treasurer, Chanmari West Branch YMA)
- 8. K. Darthantluanga (Finance Secretary Chanmari West Branch YMA)
- 9. H. Lalramhluna (Local Council) 10. C. Lalmuanpuia (Local Council)
- 11. H. Vanlalvena (Local Council) 12. Lalliansangpuia (Local Council)
- 13. H. Lalthuama (Local Council) 14. Lalngaihawma (MNF)
- 15. Vanlalduta (MNF) 16. H. Lalchungnunga (INC)
- 17. Ramfangzauva (INC) 18. Vanlalvuana (MPC) 19. Khawllianthanga (ZNP)

Ni 21.6.2012 (Ningani) khan Chanmari West sadawr chu siamthat a ni a, he hunah hian Chanmari West Local Council member-te leh Sazuar Associationte an hnatlang a, an eitur buhfai 10kgs lai mai petu Pi Lalringliani retailer No - I chungah lawmthu an sawi a ni.

Branch News

Kan vengchhung atanga pem chhuak tur ten branch atanga pem lehkha lak hmain, mahni awmna Section Leader/Secretary hnenah ID card kengin kal tur a ni a. Section atanga lehkha lak chhuah hmangin Branch Secretary hnenah Rs 5/- kengin pem lehkha pangngai lak chhuah chauh tur a ni.

Kan venga rawn pem lut te chuan pem lehkha rawn neih ngei ngei tur a ni a, pem lehkha nei lote awm phal a ni lo. Pem lehkha chu mahni awmna section hruaitute hnenah thehluh tur a ni.

Chanmari West LC ten Disaster Management Committee an dinah kan Branch YMA atangin heng mite hi hruaitu atan ruat an ni.
Pu T.Ngurkhuma : Vice Chairman
Pu RL.Thanhnuna : Secretary
O.B zawng zawng : Committee member-ah.

Ruihhlo dona kawngzawhah kan Branch aiawhin mi panga, Branch Asst. Secretary Tv. Zairemmawia hovin an tel.

PEM CHHUAQ

1. Pu David Vanlalchamate chhungkua chu Pu C. Laltanpuia ‘V’ section-te In atangin Falkland vengah an pem.
2. Pi Lalremtuati te chhungkua chu Pu K.Lalramzauva ‘N’ section-te In atangin Chaltlang North-ah an pem.
3. Pu Jonathana Hmarte chhungkua chu Pu R. Lalthlamuana ‘V’ section-te In atangin Dawrpui-ah an pem.

TUNKAR CHANGVAWN

“Tuman tu soal pawh suala thungrul lo turin fimkhur rawh u, inthil intihsak tawna lamah leh mi zawng zawng chungah intihsakna lamah pawh, a tha apiang um fo zawk rawh u”.

I Thessolonika 5:15

Editorial Board

Editor:	J.Lalnangliana	9862399658
Joint Editor :	Lalchhandama	9862358347
News Editor :	Thangkhuma	9862303135
	R. Lalrinnggheta	9862358337
	Jacob Lalrinsanga	9612319779
Cir.Manager :	Johny Lalthanpuia	9612359161
	EVL. Hruaitluanga	9862655426
Production Manager :		
	R.Lalmachhuana	9436151817

Branch Office Bearer

President	T. Ngurkhuma	9436190843
Vice President	R. Lalmachhuana	9436151817
Secretary	RL. Thanhnuna	9436152760
Asst. Secretary	Zairemmawia	9862385654
Treasurer	C. Lalzarliana	9436142049
Fin.Secretary	K. Darthantluanga	9436196071
Adviser-te :	Pu Lalbiakthanga Khiangte	
	Pu Rothuama, Pi Zamanthangi	
	Pu Lalrengpuia Sailo	

Editorial :

Tunlainn kan ramah ruahtui a tla thain a tla tam tawh hle a, khel lova lo thleng thin chu leimin hi a ni. Fur a lo nih hi chuan lei a hmin tawh a, ruah bawhawk a han sur hi chuan lei a min duh hle a ni.

Kan veng hi kan awmna a awih hlawn avang hian leimin emaw lung lum emaw chungchangah hian kan fimkhur a ngai hle a ni. Khuarel chhiatna a nih rual hian keimahni siam chawpah heng chhiatna hi thleng thei a nih avangin he veng chhunga chengte hi hemi kawngah hian kan harh thar a, kan fimkhur a pawimawh hle a ni.

Heng chhiatna hi a lo thlen thawh hnu hi chuan siamtha leh tur hi chuan sum leh tha tam tak sen a ngaih tawh thin avangin a hunlai hian kan harh a ngai a ni. Kan veng chhiat that thleng thei hi tute emaw rawn tih tur ni lovin, a chhunga cheng keimahni ngei hian tih a ngai a ni.

Tun tumah pawh hian kan vengah chuan local council-in disaster management committee a din ta reng a, veng dang pawhin an tih hma hauh a tih nachang an hria hi thil lawmawm tak a ni. Kan cho tihna ni lovin chhiatna lo thleng pawh nise kan ziaawm khawp ang.

Article :**PEM LEHKHA LEH PEM KHAWM VENG****-Mangheta Ralte**

Section YMA thutkhawm apiang maia Pem Lehkha chhiar tur a awm deuh ziah mai hian kan veng hi Pem Khawm Veng tia veng dang mite'n min lo fiam thin pawh hi a mawh love. A ni reng lah taka, kan veng hi veng naupang tak (Branch YMA, Kohhran leh Village Council indan atanga chhutin) kan ni a. Mizoram hmun hran hran atanga lutkhawmin tun dinhmun hi kan thleng a, Mizorama veng lian pawl tak kan lo ni ta reng mai.

He veng a kan awm tantirha (*ala rei lo viau emaw tih laiin kum 20 alo ni ve ta rêng mai*) kan chung a mi thenkhatte tawng dan, tun thlenga beng a la cham reng mai chu, "Pem thar an nia, mi inhnuai luah lehngal" tih hi a ni. Mahni a in leh lo nei ve ta lo chu, remchang apiang luahin kan insawn kual a tul a, mi inhnuai leh hnuai lote luah a tul thin reng a. Mi min sawi dan hi kan nihna chu a ni teh meuh mai. Mahse ngaihtuahna chu a tithui duh khawp mai. Tun hnu a ka chhut let hian, khatiang tawngkam chhakchhuaktute kha veng tana mi tangkai leh khawtlang hmangaihtu berte an lo ni lem lo, tun thleng pawh hian an ni ta chuang loin ka hria.

Chanmari West lo pian hma leh a pian hunlaia he veng a lo awm tawh, mahni in leh lo hmun nghet nei, mi engemaw zat an awm ngei ang. Heng mite hian he veng hi intineitu hlih hlih bik pawh nise a awm tho e. Mahse, kan ti hram teh ang, veng thang lian zel tur chuan kan pem luhkhawm hi a ngai ve tlat.

Ti zawng hian kan ngaihtuah ve ngai em? Pem thar (*kan tawng tu'n lo haw lo se*) leh la awm rei lo zawkte kan mitsir relh relh lai hian, veng mi hlun zawk nia inngaite hian khawtlang hmasawnnan eng chen nge tha leh zung kan sen ve le? Veng intineitu taka kan ruih thlek mai mai hian veng hmasawna a thlen miah lo. Tawngkam ringawta "veng neitu leh veng hmangaihtu' nih hian awmzia a nei baw lo. Veng hmangaihtu tak tak chuan, a awm rei tawh lam a ngaihtuah lova, mi inhnuai luah a nih lam thlir miah lovin, thahnemngai takin a thaw mai zawk thin.

A chung a kan sawi takte khi chu Mizo hnahtlak kara thil thleng thei chauh a ni. Hei aia pawh leh hlauhawm zawk chu – Mizoram pawn, chhim leh hmar, chhak leh thlang atanga rawn lut mek, kan ze anpui ni

miah lo leh, kan Hnam lam, Cheraw leh Khuallam te mawi min tihpui ve miah lotute hi an ni. Anni hi theihtawpa dan pawh tum ila kan dang seng dawn chuang lo tih chu a lang reng. YMA-in Pem Lehkha nen theih tawp a chhuah mek, a lawmawm thlawt, mahse kan inchiahpiah tual tual zel si chu a nih hi! Engtin nge kan tih tak ang le? Tuna veng chhunga Mizo Hnahtlak khawsa mekte hian, kan nundan leh chetzia hmangin, "Veng neitu leh veng hmangaihtu" kan nihna hi tilang ila, hnam dang unaute tana zahtlak turin, taimakna kawngah tan la thar ila, sual dona kawngah thahnem i ngai leh zual zawk ang u.

Khawvel ram zau zawk kan thlir chuan, Australia leh America (USA) ah te chuan a rama mi cheng hmasate chu Minorities an ni tawh tlat. Pem khawmin ram ropui an din a, a neitute an nek chhuak tawh a ni ber mai. Mahse heng ramte hi khawvela ram changkangte chu an va ni si ve? Chuti a nih chuan heng ramte hi kan entawn zawk dawn em ni? A tihchi ve kher lo vang. Keini mikhualte hi chuan changkanna lam aiin sualna lamah min ti hmasawn zawk tlat. Heng kan mikhualte khawsak tamna veng, Aizawl chhuah lam leh tlak lam veng thenkhatte dinhmun chu sawi tam ngai lovin kan hriat theuh hi maw? Chuvangin, kan Ram, kan Hnam leh kan Veng hi tun atanga kan humhalh loh chuan reiloteah kan khawtlang leh Kohhran hruaitute hming hi keini ang lehkha thiam lo chuan kan chhiar thiam lo mai ang tihte pawh a hlauhawm rum rum alawm le.

YMA Kum Puan, "Ram leh Hnam Humhalh" tihlawhtling tur hian mitinte hian mawhpurhna kan nei. Kan hmaa tihtur awm, kan tih theih apiangte hi taima takin thawh ila; hnam dang, ram dang mite tana hnathawh tur leh inbenbelna remchang kan siamsak loh hi a pawimawh khawp mai.

2012 Thuvawn

**I awmdan tur chu
LALPA chungah nghat
la; Amah chu ring la,
aman a ti vek ang.**

KHUANGCHERA

☞ An member William Lalremmawia'n kawppui tha tak a nei thar chu an lawmpui hle.

☞ HSLC leh HSSLC certificate la la lo te'n Secretary hnenah lam vat turin an inhriattir.

☞ Chhungtinte mahni in leh a vel vawngfai turin an inngen.

☞ Section chhunga Industry Dept hnuai NLUP dawngtute tana tar tur signboard an siam chu, sorkar duh dan ang ngeia tar turin an inngen.

☞ An hruaitu Pu Lalrinmuana'n in thar tha tak a din chu an lawmpui hle.

NEUVA

☞ Kumin chhunga an Section Project zinga pakhat Gas thuk lian chu Dt. 28/6/2012 khan an lei.

☞ Ni. 28/9/2012 zan khan Section Committee neih a ni.

☞ Ni 1/7/2012 (chawlhni) tlai Dar 3:00 pm hian Section huamchhung a pem tharte tlawhchhuahna leh Duty neih tur a ni a, Section hruaitu zawng zawngte Pasaltha Neuva In ah kal khawm tur a ni.

☞ Pi Chhuanmawii, Bial - I na tuna Presbyterian Hospital, Durtlang a awm mek chu dam taka a rawn chhuah leh thuai an beisei.

☞ Ni 6.7.2012 (Zirtawpni) hian an member NIR Zothansangi chuan pasal a nei dawn a, hruaitute leh member-te tawiam turin an inchah

VANAPA

☞ Ni 26.06.2012 (thawhlejni) zan khan Pu Gordon Zosangliana te inah Section Committee thut a ni a, thu pawimawh tak tak an rel.

☞ Pu K.Rochungnunga'n an P.A Set ama sum sengin a siamthatsak a, a chungah an lawm takzet a ni.

☞ An member Tv Lalbuatsaiha'n kawppui tha tak mai a nei thar a an lawmpui takzet a ni, Pu Rothuama'n Section YMA member Fatu te lawmman tha tak mai a pe a an lawm takzet a ni.

☞ Pu Zorammuana'n IOC hnuai hna thar tha tak mai a hmu a, an lawmpui takzet a ni.

TAITESENA

☞ Ni 29.6.2012 zanah khan Asst. Leader Pu C. Lalmuankimate rawra thiara sum tuak a ni a, member 13 mipa 11 leh hmeichhia 2 an thawkchhuaka, hnatlang thawkchhuak zawng zawngte chungah lawmthu an sawi.

CHAWNGBAWLA**QUESTIONNAIRE
KHAIKHAWMA**

Thurawn :

1) Member tlawhchhuah hun siam ni se. Tin member kal ngei ngei na turin infuihtawwna neih ni se.

2) Rinawm tak leh taima takin hna thawk i la, nu leh pa te pawhin kan fate hi duat dan chintawkte hrethar ila, a tha ang.

3) Early to bed and early to rise leh work more talk less hi keini Ch Section thalaite hian a takin kalpui a va tha em.

4) Khawtlang tana mi hnawksakte hi zilhhauin kutthlak thin nise, a bik takin veng dang mi.

5) Buaina siam thinte hi hmangaihna nen enkawl tur. Picnic neih a ngai a ni

6) Section chhungah emaw veng chhungah emaw mahni inah emaw a buaina siam chingte hi section huam chhung a nih chuan hnawh chhuah thin ni se.

7) Kan vengchhung hruaitute hian tun aia chak leh thain hma la zel sela vengchhung a lo nawm leh zual theih nan.

8) Tun aia nasa leh zualin YMA te hian vengchhung titawp tu leh timualphotu an awm chuan police kutah hlan zel ila, veng chhung an zah phah ngeiin ka ring.

9) YMA te hian nasa taka tan kan lak rual hian hei aia nasa leh zualin mi veng entawn tlak ni thei turin chhiatni thatni ah tan i la ang u.

10) He khawtlang leh ram hmasawn zel nan mahni theuh kan pawimawh rualin leader emaw section hruaitu dangten hei ai hian tan la thar se.

11) YMA hian a motto tanpui ngaite tanpui vawng nung reng se, a bak hi chu thuneitu dang chan a ni. Huang lo nawr palh hi a hlauhawm hle bawk.

12) Kan khawtlang harsatna siam thintute lakah hian YMA hi hei ai hian bengvar zawk thei se

13) Hma kan sawn zeal a lawmawm hle. Hruaitute hian tun ai hian mi eng ang pawh maite hi biak peih a, thiana siam a, kan tih tlangnel a ngai a ni. Tan I la sauh sauh ang u, hma kan sawn e.

14) Hruaituten mahni section theuhah member te tlawhchhuah thin ni se. Khawhar in kal leh hnatlangah pawh thian neih loh vanga kal loh phah thin an awm thin a, hengah te hian in sawm peih hi tha ka ti.

15) YMA hian kan din chhan dik tak hi hre Chiang I la, mi thil tihsual ringawt vei lovin engtinng e kan puih ve theih ang tih hi kan rilru ah awm tlat rawh se.

16) Section chhunga buaina siam thinte YMA AW ah an hming leh pa hming tarlan thin tawh ni se.

17) Memberte leh hruaitute kan inhre pawp tawk lo. Kumkhat chhungin Branch leh Section hruaituten intin tlawhchhuak a, infuihthar kan ngai ta.

18) Kan section hi kan in pawhlo hlawn lutuk, kan chankang mah mah.

19) Branch emaw section hruaituten member tin infuihtharnan intlawhchhuah theih ni se.

20) Section chhunga talented person kan neihte, art, sport, literature emaw computer games pawh ni se, state, national leh international level ah hian promotena kawng a awm tawh tih hriain hmalak ve zel a tha ang.

21) Section chhunga buaina siam thin leh khawtlang tana hnawksak te hi an hming leh pa hming YMA AW ah mipui hriat turin tarlan thin ni se.

22) Kan veng chhung a bikin kan section in hma kan lo sawn a kan khawtlang a lo thi anghlima lungrual tak leh thi anghlim taka kan lenza a, hma kan lo sawn deuh deuh theih nan tangrual I la, ka duh khawp mai.

30) Kan pipute tlawmngaihna leh nunze mawi chhawm nun zel.

31) Dan pialham bakah chuan YMA hi kal loh nise a tha khawp ang.

32) Section hruaituten YMA memberte khawtlang tana tlawmngaih chhuah tur leh awmdan mawi inhrillhriat fo thin ni se a tha khawp ang.

33) Thawhhona a tha thawkhat viau a, memberte tun aia an tangkai zual theihnan hruaitu tha tak an lo nih chhoh zel theih nan tan lak leh zual ni thei se.

34) Chhiatni bikah tun ai hian Section hruaitute khawhar inah lang tam se la, hruaitu an nih angin an tih tur hlen ngei zel rawh se.

35) Section danga lumen ngai an awm hian, section hruaitute tal hi chu thahnem ngai takin kal thin ni se.

36) Vengchhung ami in pumkhatnan leh tanrual nan hruaituten tan la in ngaihtuah thin se.

37) Zannah pawnlar a mi tan ninawm khawpa bengchheng siam ching ho hi, mi inluah an ni emaw mahni ina cheng an ni emaw thleibik nei lovin YMA te hian zihhau rawh se.

38) Chhiattawk an awm changa khawtlang/kohhran a inhmang leh hmang lo thliar hranna niawm deuha kal/taivar kan inthlau thei lutuk hi a bik takin hruaitute inenlet a pawimawh.

39) Kan veng chhung a nawma a fai theih nan chhungtin in leh a vel I vawngfai theuh ang u.

Thlanmual Sub-Committee

☞ Ni 30.6.2012 khan Thlanmual Sub-Comt, Branch OB leh Section Leaderte'n nilengin kuang duan hnatlang an nei. Hnatlang a chhuakte chungah Comt. chuan lawmthu a sawi.

☞ An member Pu K Lalrinmuana'n in tha tak a sa zo thei chu an lawmpui. In thar lawm turin memberte an in ring hle.

Vigilance Committee

☞ Ni 25.6.2012 zing leh Ni 27.6.2012 zing khan Retailer No-I&II leh K.oil Dealer-te an semna hmunah kalin enfiah a ni, sem dan dik tak leh sem hun chung vawng dik turin an hriattir.

☞ Ration Card thar Retailer No-I & II ah Rs. 10/- leh Ration Card hlui kengin a lam theih tawh e.

☞ Buhfai leh Khawnvartui Dealer te sem danah mahni dawn tur ang dawng pha lo leh thil dik lo awm ni a hriate chuan Pu F Zosanga emaw Tv Zairemmawia hnenah ziakin emaw phone-in emaw theih a ni.

☞ Hun remchang hmasa berah Retailer, Dealer-te leh Vigilance Committee te inkawm ho tum a ni.

KUT KAWR

Kut kawr hi miin eng emaw harsatna emaw hliam emaw an tawhin police ten bunin an hmang thin a, damlo enkawltu doctor leh nurse-te hian an damlo enkawlteah hian an hmang bawk a, an fimkhur avangin an bun a ni ngei ang. Police-ten kut kawr bun chungah an mi hliam emaw mitthi emaw an khawih hian tlawmngai lo, tenchia tiin kan sawi ngai lova, doctor leh nurse-ten an damlo enkawlte khawih nana kut kawr an bun hian damlote min tih kan ti ngai lo, an fimkhur hle mai kan ti thin.

Heng dortor, nurse leh police-te hian keini chu 'high risk group' kan ni alawm an ti thin, a dik khawp ang. Tunhma khan kan veng YMA-te pawh hian ruang khawih dawn hian kut kawr an bun thin a, tu emaw hliam buaipui ngai an awm palh takin invenna tur kut kawr an kawl tha bawk thin.

Khawvel a lo changkang zel a, kan veng YMA chuan kut kawr bun kan kalsan a, hmanlaih kan let leh niin alang. Kut kawr hi tute emaw hliam buaipui ngai an awm hun atan hmun hrang hrangah hian dah thluah thei ila, mitthi eng ang mi pawh an awm palh pawh hian ruang buaipui turte chuan kutkawr tha tak bun tlang vek bawk ila a tha viau lo maw.

MHIP

☞ Ni 6.6.2012(Zirtawp) zan khan committee meeting a ni a, MHIP day vawi 38-na ropui taka lawm an tum, MHIP member zawng zawngte kal vek turin an insawm a, intihhlamna chi hrang hranga hun hman tum a ni.

☞ MHIP day pualin veng chung damlo mi 6 hnenah Rs 500/- theuh pek a ni. Pu Khiangthuama kum 104 'T' section chu chawimawina certificate an hlan bawk.

☞ MHIP day-a kal (MHIP member te'n) te chuan puan bih vek tur a ni e.

☞ MHIP day vawi 38-na programme

1st session :

Ahmun : Chanmari West Middle School.

Member inchhiar.

Thusawi : Chief Guest.

Solo : Pi Liansangzuali 'T'

Thusawi tawi : Local council/YMA/MUP/MHIP Adviser.

Fiamthu : Pi Rualkhumi & Friend leh Pi Sanghnuni

Thusawi : Pi Chuaudingliani Hqrs E/M Present hlan : Sawmte hnenah.

Banna : Lal tawngtaina.

2nd Session :

Sport : 1. MHIP Vrs MUP (football)

2. Volleyball (Section wise)

3. Kawikah - section tin atangin 2

4. Hriau thil - section tin atangin 2

5. Bottle-a tui thun - section tin atangin 2

6. Spoon race - section tin atangin 2

7. Inhruipawh - MHIP vrs MUP/LC

8. Mit tuama khuang vuak.

Sawhchiar..... sawhchiar....

ZOFA

☞ Veng chung mi, thalai a duh apiang tan Mizo Hnam Lam zir hun an buatsaih chu ngawrh takin an kalpui mek zel a, zir thar tur tan eng hunah pawh zawm theih reng a ni e.

☞ Club member te tan T-Shirt mawi tak siam a ni a, member ten a man pangngai chanve chauhva lei tur a ni a, member zawng zawngte lei thei vek turin an ngen.

☞ Ni 3.7.2012 (Thawhle) zan dar 7:30 ah lam zir leh tur a ni a, member te leh hruaitute kim taka kal turin an inhriattir.

☞ Lam zirna atana Zawlbuk hmantirtu Branch YMA chungah lawmthu an sawi.

CWSC

☞ CWSC Executive meeting chuan kum 2012-2013 atan a hnuai ami ang hian Managing Board leh Discipline Incharge an inruat.

Football

Chairman : H.Lalramhluna

V/Chairman : C.Lalmuankima

V/Chairman : R.Lalbiakkima

Secretary : Zairemmawia

Asst Secy : Lalchhuanliana

Info Secy : R.Lalfakzuala

Treasurer : Zonunsanga

Fin Secy : R.Lalsangzuala

Volleyball

Chairman : C.Lalthanzuala

V/Chairman : Ropara

V/Chairman : Laltnlanmuana

Secretary : Lalrivunga

Asst Secy : C.Vanlalenkawla

Info Secy : Johnny Lalthanpuia

Treasurer : Vanlalmuanpuui

Fin Secy : Israela

In charge Athletics : C.Lalmuankima, R.Lalrinngheta

I/c Arm wrestling : H.Laltanpuia, Lalrivunga, Juliet Lalengkimi

☞ Discipline dang dangah pawh hmalak chhoh tum mek a ni.

☞ Hun remchang hmasa berah Executive Meeting neih tum a ni.

VOLLEYBALL MANAGING BOARD

☞ Ni 29.6.2012 (Zirtawp) zan khan Committee an meeting.

☞ Property incharge atan Pu C. Lalthanzuala an ruat.

☞ 1st division player thlan fel a ni.

☞ 2nd division bikah chuan Pu Laltnlanmuana chu mawhpur tura ruat a ni, tournament a hnaih tawh avangin player-te practice theuh turin an inhriattir.

FOOTBALL MANAGING BOARD

☞ Mizoram Premier League khel turin inbuatsaih mek a ni a, playoff an khel ang a, chuta an tlin chuan MPL hi an khel thei ang.

☞ MPL Playoff khel thei tura an mamawh sum leh paia tanpuitu Pu Lalramzauha (CH) leh Pu Lalmuanpuia (T) te chungah lawmthu an sawi.

MUP

☞ Ni 21.6.2012-a MUP Aizawl East IArea ten zaipawl intihsiaknaa member tel zawng zawngte chungah leh hla zirna a ei leh in man tur Rs 1000 petu Pu C. Ngurchhawna chungah lawmthu an sawi tak meuh meuh a ni.